

Rhaglen Strategol ar gyfer Gofal Sylfaenol

Cynllun ar Dudalen ar gyfer Gofal Brys Sylfaenol (Ebrill - Medi '22)



Pam mae angen y prosiect?

Mae gofal sylfaenol yn darparu gofal brys ar lefel uchel, ond nid yw model gofal sylfaenol brys clir i Gymru wedi'i ddiffinio o hyd. Fel rhan o'r rhaglen waith ar gyfer ffrwd waith 24/7 2020/21, gweithredwyd modelau braenaru ar gyfer gofal sylfaenol brys yn ystod y gaeaf er mwyn cynyddu capasiti a phrofi modelau gwahanol. Cam 1 oedd hwn ac mae gwerthusiad llawn ar gael. Mae dau fodel yn dod i'r amlwg drwy'r gwaith hwn, un ar lefel clwstwr ac un sy'n cyd-fynd ag adrannau brys. Bydd y gwerthusiad parhaus o'r modelau braenaru yn llywio model darparu gofal brys i fodloni anghenion y boblogaeth.

Bydd y strwythur newydd arfaethedig ar gyfer y rhaglen gofal heb ei drefnu genedlaethol yn cynnwys gofal sylfaenol fel un o gonglfeini allweddol gofal brys ac argyfwng. Mae hwn yn gam sylweddol ymlaen a bydd yn cefnogi'r broses o sicrhau bod y gwaith gofal sylfaenol brys yn cyd-fynd â datblygiadau fel '111 yn Gyntaf' ac yn hwyluso dull llwybr cyfan integredig.

Beth yw cwmpas y prosiect?

1. Diffinio'r modelau cyflawni a'r dangosyddion perfformiad allweddol.
2. Gweithio gyda Byrddau Iechyd i adeiladu gwasanaeth i fodloni eu hanghenion lleol drwy ddull clwstwr
3. Datblygu'r model aml-broffesiynol a all gynnwys fferylliaeth, deintyddiaeth, optometryddion, nyrsio cymunedol, iechyd meddwl ac ati.
4. Gweithio fel rhan o'r Rhaglen Chwe Nod ar gyfer Gofal Brys ac Argyfwng Genedlaethol.
5. Nodi cyfleoedd i adeiladu'r gwasanaeth a gynigir sy'n ateb newidiadau parhaus yn anghenion cleifion yn lleol ac sy'n darparu dull gweithredu cyson 24/7.

Pwy fydd yn cyflwyno'r prosiect?

Arweinydd: Richard Bowen
Arweinydd - Cyfarwyddwr Gofal Sylfaenol y Bwrdd Iechyd: Lisa Dunsford
Arweinydd Polisi: Ceri Davies
Rheolwr Prosiect: Jane Daly

Y prif bethau y gellir eu cyflawni

Mae'r hyn y gellir ei gyflawni i gychwyn, fesul cam, yn cynnwys:

1. Gwerthuso modelau braenaru i lywio consensws cenedlaethol o 'beth yw da' i ddiffinio model darparu gofal brys ar gyfer gwasanaethau gofal sylfaenol i fodloni anghenion amrywiol y boblogaeth.
2. Yn gyson â'r model uchod, dylai cynlluniau gweithredol gael eu datblygu gan bob Bwrdd Iechyd ar gyfer Gwasanaeth Gofal Sylfaenol Brys 24/7 cyson a chynaliadwy.
3. Cysylltu â'r Rhaglen Chwe Nod ar gyfer Gofal Brys ac Argyfwng Genedlaethol i ddiffinio a gweithredu elfen gofal sylfaenol brys y rhaglen.

Meini Prawf Llwyddiant/Canlyniadau:

- Fframwaith ar gyfer darparu gofal sylfaenol brys yng Nghymru.
- Casgliad o Ddangosyddion Perfformiad Allweddol
- Darparu capasiti gofal sylfaenol brys i ddiwallu anghenion cleifion ar yr adeg iawn, yn y lle iawn gan y person cywir.
- Set glir o ganllawiau clinigol ar gyfer cyflwyniadau a chanlyniadau priodol sy'n cynnwys llif cleifion drwy 111.
- Datblygu ymateb integredig i'r heriau mewn gofal brys a gofal brys – eglurder o ran alinio ag elfennau allweddol o'r Chwe Nod.
- Gwell defnydd o adnoddau gofal sylfaenol a'r dull aml-broffesiynol a ddangosir drwy gyfran amser a dreulir ar gyflyrau hirdymor.

Pryd bydd y prosiect yn cael ei gyflawni?

- Ebrill 2022 – Disgwylir i werthusiadau o safleoedd lleol gael eu cyflwyno.
- Gorffennaf 2022 – Gwerthusiad Rhaglen Genedlaethol Cam 2.
- Awst 2022 – Defnyddio dysgu hyd yma (gwerthuso, metrigau ac ati) nodi elfennau/egwyddorion allweddol darparu gwasanaethau gofal sylfaenol brys yng Nghymru.
- Medi 2022 – Llywio canllawiau cynllunio CTCL gyda chydannau/egwyddorion allweddol.
- I'w gadarnhau – cylch ariannu Cam 3.
- Ebrill 2023 - Mae capasiti gofal sylfaenol brys ar gael i sicrhau bod cleifion yn cael eu gweld (yn ôl yr angen) yn y lle iawn, gan y person cywir ar yr adeg gywir.